

Sarajevo, 09-10-2018

Broj: 02-03-51526

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-49030 od 25.09.2018. godine, Generalna direktorica donosi:

### **ODLUKU**

o izboru najpovoljnijeg ponuđača  
za pružanje usluga preuzimanja, transporta i zbrinjavanja opasnog medicinskog otpada  
i ostalog opasnog otpada za potrebe KCUS-a

#### **I**

Prihvata se prijedlog Komisije za javnu nabavku, Izvještaj br. 03-06-49030 od 25.09.2018. godine za pružanje usluga preuzimanja, transporta i zbrinjavanja opasnog medicinskog otpada i ostalog opasnog otpada za potrebe KCUS-a, nakon provedenog otvorenog postupka, Okvirni sporazum se dodjeljuje ponuđaču **“KEMIS -BH d.o.o Lukavac”** na period 24 (dvadeset četiri) mjeseca sa ponuđenim jedničnim cijenama usluga, koje čine sastavni dio Odluke i okvirnog sporazuma.

Ukupna vrijednost okvirnog sporazuma ne može preći iznos od **54.670,00KM bez PDV-a**.

**Uslovi plaćanja:** odgođeno u roku od 60 dana po ispostavljenom računu.

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku u postupku javne nabavke.

### **OBRAZLOŽENJE**

Na osnovu Odluke o pokretanju postupka javne nabavke br. 0203-42681 od 07.08.2018.godine sa procijenjenom vrijednosti nabavke u iznosu od 55.000,00 KM bez PDV-a, Klinički centar Univerziteta u Sarajevu je 20.08.2018. godine objavio Obavještenje o nabavci broj: 893-1-2-465-3-272/18 na portalu e-Nabavke zajedno sa tenderskom dokumentacijom za pružanje usluga preuzimanja, transporta i zbrinjavanja opasnog medicinskog otpada i ostalog opasnog otpada za potrebe KCUS-a, putem otvorenog postupka. Za postupak je planirano provođenje e-aukcije.

Tenderska dokumentacija za postupak nabavke je objavljena na portalu e-Nabavke i istu je preuzelo 7 ponuđača, a do krajnjeg roka određenog za prijem ponuda, 20.09.2018 godine, dostavljene su 2 (dvije) ponude ponuđača kako slijedi:

1. Kemokop d.o.o Tuzla
2. Kemis- BH d.o.o Lukavac

Komisija imenovana Odlukom broj: 02-03-45316 od 05.09.2018.godine pristupila je provjeri dokumentacije dostavljene uz ponudu i konstatovala slijedeće:

1. Ponuda ponuđač Kemokop d.o.o. Tuzla **nije formalno-pravno ispravna**,
  - Prilikom popunjavanja ponude ANEX 1, ANEX 2, ANEX 4, izvršio je ispravke, koje nije opečatio i parafirao (str.3, 5 i 61 ponude), što nije u skladu sa Upustom o načinu pripreme tenderske dokumentacije i ponuda čl.18 koji glasi da: "podaci o ispravkama, ukoliko su iste uočene u ponudi i koje su urađene na način da su vidljive, trebaju biti potvrđene potpisom ponuđača i sa datumom izvršene ispravke".
  - nije dostavio listu zaključenih ugovora definisanih pod tačkom 3.1 pod t) Tenderske dokumentacije **(sadržaj ponude i način dostavljanja ponude)**.

Iz navedenih razloga Ponuda ponuđača Kemokop d.o.o. Tuzla se **ne uzima u dalje razmatranje**.

2. **Ponuda ponuđač Kemis – BH d.o.o. Lukavac** – je formalno-pravno i tehnički ispravna i uzima se u dalje razmatranje.

Obzirom da je za predmetni postupak javne nabavke samo jedna prihvatljiva ponuda e-aukcija se ne može zakazati na osnovu člana 3. tačke 3 Pravilnika o uslovima i načinu korištenja e-aukcije (Službeni glasnik BiH 66/16), tako da se postupak okončava u skladu sa članom 69. ZJN („Službeni glasnik BiH“, broj 39/14).

Cijena zadovoljavajuće ponude je u okviru osiguranih sredstava za nabavku, te da je zadovoljena transparentnost u otvorenom postupku, Komisija je dala prijedlog, Izvještaj br. 03-06-49030 od 25.09.2018.godine, da se za pružanje usluga preuzimanja, transporta i zbrinjavanja opasnog medicinskog otpada i ostalog opasnog otpada za potrebe KCUS-a, donese odluka o izboru najpovoljnijeg ponuđača i okvirni sporazum dodjeli ponuđaču Kemis – BH d.o.o. Lukavac, čija je ponuda ocijenjena kao prihvatljiva/najpovoljnija po cijeni od 54.670,00 KM bez PDV-a, a prema dostavljenim cijenama u ponudi (aneks 3).

Prijedlog Komisije je prihvaćen i donijeta je odluka kao u dispozitivu.



**GENERALNA DIREKTORICA**

**Prof.dr. Sebija Azetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS